

四庫全書

子部

欽定四庫全書

子部
普濟方卷三百六

詳校官太醫院醫士_臣程泰

編修_臣倉聖脈覆勘

總校官進士_臣楊懋珩

校對官中書_臣金光悌

謄錄監生_臣黃廷璧

欽定四庫全書

普濟方卷三百六

明

周王朱橚撰

諸蟲獸傷門

諸蟲獸傷

凡一切蟲獸所傷及背瘡腫毒杖瘡炊發或透入裏者
可服木香檳榔丸七八十丸或至百餘丸生薑湯下五
七行量虛實加減用之內經曰先治內然後治外是也
○又云犬咬蛇傷不可便貼膏藥及生肌散之類內經

云先治內後治外可也先當用導水丸禹功散通經散
瀉十餘行即時痛減腫消然後可用膏藥生肌散之類
傳之則愈

方

芫薹散

治驢涎馬氣駱駝騾子兔子狗子蛇傷

肉芫薹二箇

自然銅二錢
燒酥

檳榔一箇

板藍根三分

蚰桑子二錢

甘草三錢

烏梅四箇

川烏頭一箇
燒

金毛狗脊一箇

去毛

紅花二錢

紅芍藥三分

茅香三分

甘柿蒂

一十箇

川棟子

四箇

香附子

一十箇

苦丁香

七箇

官桂

一分半
去皮

乳香

二分

右為細末每服二分溫酒一盞調下如生氣食後服
熱氣食前如要驗中毒喫大麥麵拌羹吐逆者是不
吐非也又一管見如喫大麥麵羹一二碗令病人極
吐後諸藥大効

雄黃散

用擣麻子汁飲之大効或用雄黃乾薑塗

之

萬莧散

用萬莧汁塗之或用烏梅巴豆各等分塗

之

硫黃散

治熊虎爪牙所傷毒痛

用雄黃硫黃紫石搗末以絳囊盛之帶以防用

雄礬散

用雄黃礬或用飛丹礬塗之

麝香散

治鼠咬

用猫毛燒灰麝香少許津唾調傅一方麝香封上用

帛繫之

葛根散

治熊傷人瘡

用燒青布薰瘡口毒出仍煮葛根汁令濃以洗瘡日
十度并搗葛根為散煮葛根汁服方寸七日五服瘡
治虎咬瘡方

用濃煮葛根汁洗十數徧及搗為散以葛根汁服方
寸七日五甚者夜二服一方以嫩絮骨燒灰為末乾
傅瘡處一方用白礬為末納瘡口中痛止立効一方
溫水服

又方

用青布捲為繩燒一頭燃內竹筒中注瘡口薰之極

効

又方

用嚼栗子塗之良

治猪嚙方

用松脂煉作餅子貼上

又方

用屋雷中泥塗之

治熊虎所傷毒痛

用煮生鐵令有味以洗之

治熊傷人瘡

用葫蘆一大把剉碎以水一升漬須臾取汁飲餘滓封裏瘡

治虎犬咬蛇咬

用飲薤汁一升日三瘥又杵汁傳之

治猫兒傷

用薄荷汁塗之若中猫涎入瘡則令人悶浸椒水調莽草末塗之

治蛇犬毒入

用黃藥子末傅之

治狗咬虺蜥瘡蛇咬 用山豆根並以水研傅之

治蛇犬咬 用熱人尿淋患處良

治虎犬傷

用糝礬末內瘡口中裏之痛止立效

治虎傷 但飲酒常令大醉當吐毛出

又方

用鼠一枚燒為灰細研先用漿水洗身後傅之甚良

治虎咬瘡方 用嚼粟米塗之即瘥

治惡蛇風犬所傷

用唾調人耳塞塗傷處兩頭防毒走散然非數人耳
塞不可此極驗

又方 用草麻子為細末臘水化白蜜調傅傷處可

又辟虎法

凡入山用燒水牛羖羊角虎狼蛇皆走

治虎傷

用生野葛汁塗乾薑末內瘡中

治猫兒所咬成瘡不効

右以鼠血塗之立瘥

山林日用法每欲出行時用

雄黃

一桐子大
火上燒烟

右以薰脚綳草屨之類及袍袖間即百毒不敢侵害

邪祟遠辟

治虎傷人瘡

取生葛根煮濃汁洗瘡魚搗葛根水服方寸七日夜

五六服

治虎狼傷瘡

以月經衣燒末傅之

主人畜為虎狼等傷恐毒入內者

取芒莖雜葛根濃煮服之效

石芒生高山如芒節短江西人呼為折草六月

七月生穗
如荻也

治虎傷

以細辛雄黃等分為末內瘡中日三四易之

治虎及狗咬瘡

用猪膏每搗傅之至良

治蟲豸咬傷

取大藍汁一碗入雄黃麝香二物隨意看多少細研投藍汁中以點咬處若是毒者即并細服其汁神異之極也昔張薦負外在劔南為張延賞判官忽被斑蜘蛛咬項上一宿咬處有二道赤色細如箸繞項上從胃前下至心經兩宿頭面腫疼如數升益大肚漸腫幾至不救張相素重薦因出家財五百千延賞家

財又數百千募能療者忽一人應召云可治張相初甚不信欲驗其方遂令目前合藥其人云不惜方當療人性命耳遂取大藍汁一甕盜取蜘蛛投之藍汁良久方出得汁中甚困不能動又別擣藍汁加麝香末更取蜘蛛投之至汁而死又更取藍汁麝香加雄黃和之更取一蜘蛛投汁中隨化為水張相及諸人甚異之遂令點於咬處兩日內悉平愈但咬處作小瘡如落如舊

驢馬傷附論

人誤被馬咬或踢踏傷損肌肉腫痛若不即治毒氣日深傳入臟腑有致死者宜急治之○夫驢馬氣之病醫流少有知之者凡人宰殺驢馬及自死開剥不可犯之如開剥驢馬時切忌手指間有瘡痕及誤傷刃其涎入內毒氣發也剥活馬毒少有若自死者大毒殺人命名曰中生氣煮肉之時其半生半熟有白色時毒殺人命名曰中熟氣其毒入內初時便不覺頭疼體熱走注疼痛

寒熱無時而作起居如常如要知之用麥麴稀湯多飲之即吐涎此知是驢馬之毒也如不吐者非也急用豈菴散或虎骨酒飲之即可如不知者久淹日月其毒發則如眼中出其眼即枯如臂中出其臂必傷腿中出腿必瘤幸然存命也如不然則病必篤遍身腫毒而膿出肉爛死者甚衆

應驗方云余年幼時大安元年在洛南縣住親見官中倒死鋪馬命衆屠行開

剥此時七人到此開剥之其人皆死後常見此証死者甚衆余深究其法於屠戶中受此方屢經大効不忍秘之大抵頭目疼身熱比傷寒相似如走注疼痛起居如常此為異耳

方

殭蠶散

治被馬咬傷損皮肉疼痛

馬鞭梢

五寸燒灰

雄鼠糞

炒二十枚

白殭蚕

炒半兩

右搗為末以猪脂二兩調傳咬處日三易良

立効散

出十金方

治馬嚙人及蹋人作瘡毒腫熱痛

馬鞭梢

長二寸

鼠屎

二十七枚

用合燒為末以猪膏和塗之立愈治遂成瘡爛經久不愈者以馬鞭皮燒末猪膏和塗

虎骨酒

治驢馬氣傷瘡毒

虎骨

酥炙
半兩

木香

三錢

右為細末分作二服酒調服之

治馬踢傷

出經驗
良方

用地骨皮不拘多少為末以水調傳瘡甚効

桑皮散

出千金方

治馬嚙人陰卵脫出

用推內入以桑皮細作線縫之破烏雞取肝細剉以封之且忍勿小便即愈

治馬犬噬及馬骨刺傷人及馬血入舊瘡中方

用取桑灰汁熱漬瘡常令汁器有火數易汁勿令爛人肉三數日漬之有腫者炙石熨之日二消止

治剥馬被骨刺破毒欲死

右以婦人月水傳瘡口立効

治馬咬人瘡有毒腫疼痛又剥驢馬傷手

出聖惠方

用雞冠血著瘡中三下兒馬用雌牝馬用雄一方用熱雞血浸之

芫蔚散 治馬咬

以益母草細切和醋炒封之效益母草即芫蔚子也

治馬咬傷

出傳信
適用方

用燒獨顆栗子灰貼瘡追毒

治馬咬人或刺破瘡及馬汗入瘡毒痛

用馬糞燒灰為末研傅瘡上及馬尿洗瘡佳

治驢涎馬汗毒所傷神効

白礬飛過黃丹炒令紫色各等分相滾合以貼患處

治馬咬人毒入心方

出聖惠方

用馬齒菜子搗為散每服一錢溫酒調下不計時候
馬齒湯食之差

又方

用蓼藍汁三大盞水二盞煎至一大盞溫服二合不
計時候兼用洗瘡良

治馬咬人及踏人瘡有毒腫熱痛方

用灸瘡中腫上瘡

制犬噬

附論

凡春末夏初犬多發狂必誠小弱持杖以預防之防而不免者莫出於灸百日之中一日不闕者方得免難若初見瘡癢痛定即言平復者此最可畏大禍即至死在旦夕凡狂犬咬人著訖即令人狂精神已別何以得知但看灸時一度火下即覺心中醒然惺惺了了方知咬已即狂是以深須知此此病至重世皆輕之不以為意坐而死者常年有之

凡狗犬咬人七日輒應一發三七日不發則脫也要過
百日乃得免耳每到七日輒當搗韭汁飲一二升又當
終身禁食犬肉蚕蛹食此則發死不可救矣瘡未愈之
間禁食生魚及諸肥膩冷食但於飯上蒸魚及於肥膩
器中食者便發不宜飲酒能過一年乃佳乃若人曾食
落葵中犬咬必難治若已瘥十數年後食之者便發也
若重發者生食蟾蜍鱸絕良亦可燒炙食之不必令其
人知初得嚙毒便為之則於後不發也儒門事親書云

麻先生兄材行為犬所咬昇至家脛腫如罐堅若鉄石
毒氣入裏嘔不下食頭痛而重往問戴人女僮口誦隨
利減以栴榔丸下之見兩行不瘥適戴人自舞陽回謂
麻曰脛腫如此足之二陰三陽可行乎麻曰俱不可行
如是何不大下之乃命夜臨卧服舟車丸百五十粒通
經散三四錢比至夜半去十四行腫立消作胡桃紋反
細於不傷之脛戴人曰慎勿貼膏紙當令毒氣出流膿
血水常行又一日戴人恐毒氣未盡又服舟車丸百餘

粒濟川散三四錢見六行病人曰十四行易當六行反
難何也戴人曰病盛則勝藥病衰則不勝其藥也六日
其膿水盡戴人曰膿水行時不畏風盡后畏風也乃以
愈風餅子日三服之又二日方與生肌散一傳之而成
効嗚呼用藥有多寡便差別相懸向使不見戴人則利
減之言非也以此知醫已難用醫尤難

方

桃白散

出聖惠方

治獐犬咬人毒氣攻心悶亂方

桃白皮

三兩

甘草

半兩炙
微赤剉

杏仁

三十枚湯浸去
皮尖雙仁麩炒

微黃而
成膏

桂心

一兩

右細剉以水三大盞煎至一盞去滓入杏仁膏攪令
勻分為二服良久再服

蟬花散

出衛生
寶鑑方

治夏月大傷及諸般損傷蛆虫極

盛臭惡不可近之者

蛇退皮

一兩用炭燒
存性研為末

蟬殼

半兩

青黛

半兩

華陰細辛

三錢
半

右為細末每服三錢酒調下如六畜損傷成瘡用酒灌如犬傷用梅子和喫蛆皆化為水蠅子不敢再落又以生寒水石末糝上

韭根散

出聖惠方

治獐犬咬人疼痛不止方

豉合

雄鼠糞一兩

杏仁

韭根

各一兩

右件藥相和爛研傳破處良

金黃散

出聖惠方

治狂犬咬傷損疼痛方

白礬

一兩燒灰

硫黃

梔子灰

各半兩

右件藥都研為末傳咬損處即瘥

杏豆散

治療狂犬咬方

杏仁

切去皮尖

豆豉

各一兩

韭根

一握淨洗

右搗為餅可瘡大小厚一二分貼咬處大作艾炷以灸餅上熱即差

狓皮散

出千金方

治猘犬毒方

頭髮

狓皮

各等分

右燒灰水和飲一盃口禁者折齒內藥

枸杞散

出聖惠方

治犬咬方

枸杞葉

少許

鹽

少許

右同搗令熟后傳於瘡上即愈

杏桃散

出聖惠方

治狂犬咬人傷痛方

杏人

四十枚去皮尖雙人拍碎

桃白皮

切二升

右用水二升先煮桃皮取汁一升去滓下杏人再煮減半去滓溫分三服得吐乃効

金粒丹

治風狗毒蛇所傷

雄黃

一兩透
明者

大硃砂一錢

右研極細旋取溫蟾酥為丸如麻子大每服一九溫
酒下不忌口一服奏効

立効散 治風狗所傷

蒜 杏仁

右各等分一處搗爛次用些少消風急風散一捻在
蒜內連瘡口四畔傳訖將艾炷灸之次服消風急風
二散忌鱸鰻發風等物

定風散

出衛生家寶方

治風狗咬破先口噙漿水洗淨用

綿搵乾貼藥更不再發

天南星

生

防風

各等分

右為細末乾上藥更不再發無膿大有神效不可具述凡惡犬傷人咬破多或二年三年至六年咬破處或時疼痛或先發增寒甚至發風遍身搐搦數日不食十死八九余親見者數十人服此藥但凡犬咬破者無有不愈

雄麝散

出醫方集成

治獐犬傷或經久復發無藥可療

者用之極驗

雄黃

色黃而明者五錢

麝香

五分

右各等研和勻用酒調二錢服如不肯服者則撚其鼻而灌之服藥后必使得睡切勿驚起任其自醒候利下惡物再進前藥即見効矣終身禁食犬肉蚕蛹此毒再發則難救

梔子散

治療狂犬咬方

梔子皮

燒灰

石硫黃

末

用搗為末傳瘡日一易救急用二三度差

虎骨散

治療狂犬咬方

虎骨

石灰

右二味以臘月猪脂和作餅子暴乾搗末以傅之良

治凡犬啖人方

出千金方

用取竈中熱灰以糝瘡中帛裹繫之

又方

出千金方

用燒自死蛇一枚令焦為末內瘡孔中

又方

出千金方

用鼠屎為末以臘月猪膏傅之或用鼠一枚猪膏煎傅之

又方

出千金方

用飲生姜汁一升一方用白姜炙熨之良菲汁亦佳

治狂狗咬

出本草

用菰耳葉煮服之

又方

出千金方

用燒犬尾為末傅瘡日三

又方

出千金方

治犬咬人重發瘡

用頭垢少許內瘡中以熟牛糞塗之佳

又方

出千金方

治凡犬咬人

用苦酒和灰塗瘡中

治小兒狗咬方

出千金方

用月一日以水一升灌之勿令狗主打狗若月盡日

三升水灌之

治獠犬毒方

出千金方

用搗韭絞取汁飲一升日三瘡愈止愈後復發者用

莖根故梳二枚用水二升煮一升頓服

又方

用刮虎牙若虎頭骨為末酒服方寸匕或刮狼牙骨末服已發狂如獠犬者服即愈

又方 用髮及狴皮少許燒灰水和服之

又方

出千金方

用燒虎骨傳瘡及熨之又微熬杏仁搗研取汁服之良又取燈盞殘油灌瘡口此皆禁酒猪肉魚生菜

又方

出千金方

用桃東南枝白皮一握水二升煮取一

升分二服吐出犬子

又方

出千金方

用服菰苕子七枚日一度以水服之差止又取其剝

狗腦上毛燒灰傅瘡上不發一方用菰苕爛搗和鹽

傅之

又方

出千金方

用梅子末酒服之

又方

出千金方

用豆醬清塗之日三四差

治狂犬嚙人方

出千金方

用蛇脯一枚炙去頭搗末服五分七日三

又方

出千金方

用青布浸汁服三升

又方

出千金方

用飲驢尿一二升或驢尿汁飲一升即

差

治風狗傷

出濟生拔粹方

用口噙漿水洗淨以乾薑末塗貼

又方

出濟生拔粹方

用吮去血漿水洗畢紙上炒黃丹赤

色貼之

蟾蜍灰散

出肘后方

治狂犬咬人重發者

用蟾蜍三个燒灰搗羅為末每服二錢溫水調下服時不得令人知一方焙乾傳之又剝作鱗吞蒜齏下治獐犬咬人毒氣攻心悶亂方

用蝦蟆一枚燒灰細研為末以粥飲調服之即愈一方蝦蟆作膾而愈一方用砂糖同搗汁服 沈約宋書曰張收嘗為獐犬所傷醫云宜食蝦蟆膾收甚難

之醫含笑先嘗收因此乃食瘡亦即愈

治獐犬嚙重發方

出聖惠方

用乾姜搗為細末每服二錢以溫水調下不拘時候
一方用末傅瘡口立差

治犬咬成瘡漏方

出聖惠方

用石灰細研為末以醋和

塗瘡上

治犬咬方

出聖惠方

用取地龍爛搗封根咬處當有毛

或收得乾者搗末用油調封之

又方

出聖惠方

用

燒灰細研為末以醋調塗之

治狗咬

用杏仁研細先切葱湯洗然後傅塗傷處

一方同馬蘭根研細塗之一方搗杏仁傅之服汁亦

佳熬成膏令黑傅亦可

又方

出危氏方

用草薢子五十粒去殼井水研成膏先

以鹽水洗咬處次以此膏傅貼或用虎骨末及虎膏

一方無虎骨末

莽草散

出危氏方

治狗咬涎入瘡令人昏悶用上好浸

椒水調莽草末塗之

又方

出仁存方

治虎犬咬人

用白礬為末糝瘡內

裹之立愈

治犬咬凍瘡

出危氏方

並以秫米嚼傅

治狂犬咬人

出聖惠方

用蚯蚓屎和鹽研封狂犬傷毒

處出犬毛殊有神效一方井口蚯蚓糞濕傅瘡上以

物包定即差

治療獐犬咬人

出醫方大成

用仍殺所咬犬取腦傅之後

不復發

治獐犬咬人

出千金方

用煮地榆汁飲之魚末傅瘡上

服方寸匕日三服忌酒若治瘡已差者搗生韭汁飲之一二升一方無韭汁地榆絞汁無生者乾水煮飲之傳上一方為散水調服二三錢日三次服魚可傅瘡上過百日止

解狗毒

杏人

礬石

韭根

人尿

各等分

研細爛傳毒處

治犬咬人重發

用服蔓菁汁佳一方地榆為末

咬處立差

治狗咬傷

用鍋墨為末桐油調塗又方用嚼杏仁

沃破處以帛繫定一方以人尿汁傳尤良

治癩狗傷

用真茶末桐油濃調塗傷處

治顛狗咬人

用清油泥於破咬處擦成條搗斷看

油泥內直至無狗毛為度如有毛更擦然後用水調

嫩米糠為膏貼之此一方賀都目傳清油泥俗云油尿

治顛狗咬人

出經驗良方

用斑猫七箇去翅足為末夏間豆豉四十九粒去皮滴水研為膏入和斑猫末為丸如梧桐子大盡數服白熟水下却將穢桶盛水令病人尿小便於內停半日見小便桶內水中氣凝結如狗形則愈如不下再合服至七次始獲全安

清油散

出經驗良方

治顛狗咬人

用生麻油滴豉為膏彈子太常常拭指所咬瘡口分開豉彈見有狗毛茸茸此毒出即安至無茸毛為度日間常行食用加杏子食之尤妙

又方

出經驗良方

凡被顛癩狗咬不可使用水洗及飯擦可用草藥名鉄薄荷又名接骨草用葉并根梗以水洗去土搗爛傳傷處用絹帛包定無令着水神効其草如菊花葉

兩葉相對到秋有青花如小蓼花相似

治風顛狗咬人

出經驗良方

用前方須要服藥後方可常食杏仁逐其毒

又方

出德生堂方

用斑猫七箇去頭足翅研為細末溫酒調服其毒亦
從小便中出膏膜形如狗狀如小便雖出不見狗形
須服七次方可如大小便俱澁不下却用火麻燒灰
存性同沒藥末茶各少許用溫湯調服引導其毒即

下

又方

出經驗良方

當時被咬如藥不便隨即用生葱連白不以多少搗爛先塗咬傷處然後服前藥

虎骨膏

治犬咬

有一人被咬以蚯蚓屎黃泥各少許入此虎骨同調傳瘡口上一服便愈曾有驗

治狗咬著破傷風欲死者

用遍白狗糞燒灰溫酒下神効

紫荊皮散

治狂犬傷人

先以杏仁搗爛焙去毒以紫荊皮煎水又以沙糖調紫荊皮末塗

治風狗咬

用路厠架上乾屎刮下用帶皮柳木槌熟搗成膏攤紙上貼傷處睡去睡覺則汗出而愈永不再發不忌

口

治猘犬咬人

出肘後方

用搗乾地黃汁飲之并塗瘡口上百度止

立効散

治風狗咬傷

用餓老鷹胆一箇溫酒調下或四十日或百日不瘥者不過三服愈

治顛犬所傷

出醫方集成

用斑猫大者二十一隻去頭翅并足用糯米一斗先將斑猫七枚入米內於微火上炒不令米赤去此斑

猫別入七隻再於前米內炒令斑猫色變復去之又別用七隻如前法炒以米出青烟為度去斑猫不用以米研為粉用冷水入清油少許空心調服須又再進一服以小便利下惡毒為度如不利再進一服利后腹肚疼痛急用冷水調青靛服之以解其毒否則有傷或煎黃連水亦可不宜便食熱物

治猓狗嚙

用葛根末傳之

觸骨散

出肘後方

治狂犬咬人及諸犬咬瘡不瘥吐白

沫者為毒攻入心人煩亂喚叫作犬聲者方

用髑髏骨燒灰末以東流水和服方寸匕以活止凡
狂犬咋人七日輒應一發過三七日不發則免也要
過百日乃為大免每至七日輒當搗薤一作韭汁飲二

三升又當終身禁食犬肉蚕蛹若食此發則不可救
矣瘡未瘥之間亦忌食生物諸肥膩肉及諸冷食但
於飯上蒸生魚及就膩器中食便發不宜飲酒能過
一年乃佳

杏仁膏

治狂犬咬人

凡被狂犬咬人即急啣去血急吐之勿錯嚥之然後
搗杏仁和大虫牙捻作餅子貼瘡上頓灸二七壯從
此已后每日灸一兩壯貼杏仁餅子灸之須要滿百
日乃止百日内必莫斷使瘡癢如無大虫牙單用杏
仁亦可狂犬咬人每至七日即合一發但至七日即
須搗韭汁服一大合日再服之縱非至七日但一日
兩日服一兩合大妙如冬月無韭取韭根搗汁服之

又三兩日取杏仁一合搗碎熟研濾取汁和大虫牙
齒骨亦可用熟煎取一大升汁又燒竹瀝一合以和
杏仁酪汁更煎一兩沸分三服一日使盡又取所咬
犬腦以塗瘡大佳取大虫牙齒末或大虫脂塗之更
佳須忌酒

治救急療狂犬嚙人无問深淺者方

初被咬便以冷水洗令血斷封裏著如其瘡大及深
宜放流水中浸之血斷依法封裏更不用餘藥忌風

千萬可畏凡初被咬即覓一切物與喫后不發也

治風狗咬

出瑞竹堂

用桃核殼半箇將野人肝

即人之大糞也

填滿以榆皮蓋定

掩於傷處用艾於桃核上灸二七十四炷即愈永不

發作

治風犬傷

用白糞虫去肚中黑研之一二盞頭頂上有赤髮多

火拔去以虫傅之

治療猘犬咬人方

出千金方

用火炙蠟以灌瘡中一方按蓼以傳瘡上

又方

用白芷末湯茶調服永不發

又方

用槐皮並葉傳之

又方

用枇杷葉以臘酒一瓶新開傾出酒令乾將

枇杷葉火上燒過作黑色捺入瓶中用紙密蓋一椀

飯時取出葉灰研為細末糝於被傷處隨即痛定痊

可絕妙

皂角散

治療獐犬咬人方

用淨洗口以獨蒜切片子安在口上却用葱鹽全蝎
皂角四味同搗細安在上用艾灸黃水出為度

治狗咬傷方

用磚青和牛糞傳之

治狂犬

出肘後方

以犬腎心搗傳咬處

治狂犬咬寒熱欲發者

刺熱人血飲之

治狂犬毒入心悶絕不識人方

出聖惠方

用取黑豆煮汁服之甚良

治犬咬方

出千金方

用熟牛糞塗傳咬處佳如無濕糞以乾糞為末小油調塗立効風狗亦無害

治狂犬噬人

出聖惠方

用乾蛇一條酒浸炙令黃色又搗為末水調二錢日

四五服

治犬咬人傷處毒痛心悶方

出聖惠方

用火灸瘡中毒上以搗韭汁飲三合日四五服瘡瘥

即止

治犬傷

出千便良方

鼠糞為末用冷井水洗瘡淨乾別用津調塗紙壓之
帛子縛之濕者乾糝

治犬傷

出如意方

麝香

沉香

防風

各等分

右為末以生杏仁研酒下

治犬傷

細研鼠糞以生油膩調塗立効

治狂犬咬人 取鼠屎二升燒末研傅瘡上

治狂犬咬發狂欲死 以蟾蜍作鱠食之頻食數頓

治狗咬瘡 用見腫消生苗葉爛搗貼瘡

治狗咬破傷風

人參不計多少桑柴火上燒令煙絕用盞子合研為末糝在瘡上立効

治狗咬 用山豆根水研傅之若獠犬咬以水調服二錢

治狂狗咬

取百家筋煎汁飲之一方就人家乞取

煎汁服之

療狂狗咬人欲發者及蛇蝎惡虫等毒藥毒

以韭葉及根生搗絞汁服

治狂犬毒

以紫珠煮汁服之

治犬咬瘡

用屋漏水即以水澆屋簷承取用洗之又以水滴簷

下令土濕取土以傅犬咬處瘡上

治獠犬咬人

出肘
後方

用牀四脚下土和成泥傳瘡上灸之一七壯瘡中得

犬毛者愈獠犬狂犬也

療獠犬咬人

出肘
後方

用地榆根末服方寸匕日一二服亦搗傳瘡上更佳

治狗咬瘡

右以竹藍耳燒灰傳狗咬處良

治狂犬傷毒

以白頸蚯蚓屎封之出犬毛神驗

治犬咬

右用黃荊葉搗急瘻口即安

治狂狗咬人

取桃白皮一握水三升煎取一升服

桃白皮味
苦辛平

諸蟲傷附論

凡諸蟲齒所傷其類不一然毒入皮膚非真氣正法不能移變故上古有移精變氣祝由之法今雖具存而逐惡去毒之劑亦不可廢也凡有一切毒螫之物必不得起惡心向之亦不得殺之若輒殺之于後必遭螫毒治亦難瘥慎之慎之

方

如聖散

出宣明論

治蛇蝎諸虫毒傷

川烏

防風

去蘆

白芷

各二兩

川芎

一兩二錢半

草烏頭

半兩

蒼朮

二兩去皮

細辛

去苗土淨七錢半

右件俱不見火生用晒乾研為細末傅之如神又蛇蝎螫狗咬用口嚙漿水洗淨用藥末貼上三二次勤傳即愈諸小虫血傷無口者唾津調藥擦上勤易三五次即愈

麝香雄黃散

出百一選方

治二十七般惡虫咬傷人及

瘡腫者

麝香 雄黃 乳香

硃砂

各二錢 德生堂一作礞砂

土蜂窩

露蜂窩

燒灰各一錢

右研為末以醋調少許塗咬著處或不辨認得多疑是惡瘡三五日不療即毒入心難瘥忌雞魚膩物一

方有白礬却無乳香

聖核子

出濟生校粹方

治蛇咬蝎螫

雄黃

三錢

信

一錢

皂角子

巴豆

各四十箇

耳塞

麝香

少許

用五月五日不聞雞犬婦人處不語搗為細末在杏子內封之針挑出止痛為用大有神効

雄黃丸

治百虫嚙毒氣內攻

雄黃

研

朱砂

研各半兩

藜蘆

去苗微炒

巴豆

去皮心研去油

鬼臼

去鬚三味各一分

右研為末鍊蜜和圓如大豆大每服三丸空腹煎乾

薑湯下當轉出惡并虫等當煩悶後以鴨為羹食之
辰砂丸 治百虫嚙沙虱蛇蝎虫毒

辰砂

雄黃

研水飛

赤足蜈蚣

續隨子

各一兩

麝香

一分

右搗研為末粟米糊為丸如菜豆大每服一丸冷水
下良久身上毛旋起處即是毒所傷却用水調一丸
於毛旋起處遶圍四畔其虱自爆出

雄黃散

出千金方

治入山草辟衆蛇治蛇傷蜈蚣蝎螫

諸毒虫咬

乾薑 麝香 雄黃 各等分

右為粗散以絳袋盛帶之男左女右蛇毒塗瘡如無麝香以麝罔和帶之以蜜為膏傳螫處良一方研為細末用津唾點時糝患處痛即止

麝香雄黃散

出經効濟世方

治百虫所傷

雄黃 硼砂 白礬 並研細

土蜂窩 炙各半兩

麝香 錢一

右為末用醋調傳咬處日一二服

甜葶藶散

出聖惠方

治虫咬方

甜葶藶

蛇床子

菟絲子

鹽

各一兩

右各搗細為散以醎醋調如膏日三度塗之一方加

麝香

阿魏丸

出聖惠方

治辟蚊虫及諸虫等方

梔榔皮

鰻鱺魚

阿魏

芫花

已上各半兩

右為末用乳香煎汁和丸如雞頭大燒之是虫皆去

地胆散

治一切虫嚙

地胆

曝乾

地錦

各等分曝

右為散每用一錢盞內用醋調却用盞一隻合定慢火熬熱塗嚙處如已嚙得三兩日即先以牡蠣末一錢新汲水調下然後塗此藥

藍汁膏

治虫螫傷

方見本門蜘蛛蜈蚣蟻蟻傷類

雄麝散

治一切虫牙蜘蛛等毒

右用鹽汁入雄黃麝香和塗之能化虫為水

蚌粉散

治天蛇毒方

右以蚌粉滑石貝母為末傳之

水銀膏

治惡蛇傷紅腫爛者

乾薑

水銀

猪脂

脂月者
各等分

右搗令相得即置丸向椀中燒以竹筒籠上薰所腫處未薰先破兩處然後薰即瘥

苦楝散

治辟蚊蟲及諸蟲等方

苦楝花

栢子

菖蒲

各一兩

右為散慢火燒聞氣自去矣

硃砂散

治守宮嚙

雄黃

半兩

硃砂

一分

右細研為散以少許傅之

雄黃散

治毒蟻螫人

雄黃

一錢

麝香

半錢白研細

右研勻以生麻油調傅之

立勝散

治虫蛇蜂蝎虻蛇蜘蛛沙虫等傷毒

大紅川椒

去枝十粒

豆豉

十粒

右同入口嚼爛唾在手心次用南星末調和得所傳傷處毒水自出續又再傳神効

豆豉油

治春夏月樹木牆間有一等雜色毛虫極

毒凡人觸着者則放小毛入手足上自皮至肉自肉入骨其初則皮肉微痒以漸生痛經十數日痒在外而痛在內用手抓搔或痛或痒必至骨肉皆爛有性命之憂此名中射諸藥不能治之

用好豆豉約一椀清油半盞拌豉搗爛厚傅痛痒處
經一時久豉氣透骨則引出虫毛紛紛可見取下豉
埋在土中煎香白芷湯洗痛處如肉已爛用海螵蛸
為末傅之愈

海螵蛸即烏賊魚之骨也

麝香傳方 治一切虫嚙痛

右用麝香細研一錢封嚙處帛縛之一方虫咬鼠咬
用麝香細研蜜封塗之瘡用津調亦得

治百虫嚙毒攻瘡痛塗方

用犀角一片以井花水磨取濃汁塗瘡上

治五毒虫螫赤腫不止馬齒莧傳方并治蛇咬

用馬齒莧葉洗切爛研厚傳之一方貼之亦可

治一切虫嚙痛膩粉傳方

用膩粉一分用生薑自然汁調傳之

青麻心方 治守宮嚙

用青麻葉心七枚以手揅碎取汁塗之

治蛇虫咬

用猪牙中垢塗嚙處頻易

治蚰蜒

清明前一日取馬蘭正日五更煎湯洒諸處

治天蛇螫毒舉身潰爛號呼欲絕者

用秦皮煮汁一斗許恣意飲之初日減半兩三日頻
愈不知天蛇為何物或云草間黃花蜘蛛是也人遭
其毒仍為露水所濡乃成此疾沈存中筆談載之甚
詳一方秦皮濃煎服後用蚌粉滑石貝母末傅背太

子中允闕杞曾提舉廣南西路常平倉行部邕管一
吏為虫傷毒舉身潰爛有一醫言能治使醫視之曰
此天蛇所螫疾已深不可為也乃以藥傳其瘡有腫
起以鉗拔之有物如蛇凡取十餘條而疾不起又錢
塘西溪常有一田家忽病癰通身潰爛號呼欲絕西
溪寺僧識之曰此天蛇毒爾非癰也取秦皮如上服
之而愈

治壁鏡咬

用桑柴灰汁三度沸取汁調白礬末為膏塗瘡口瘡
兼治蛇咬毒

治羊辣子傷 用蠶蠶搗之立愈

治蠶咬 用苧汁塗之今苧近蠶不生也

治辟蚊蟲及諸虫等方

用鰻鱺魚乾者於室中燒之即蚊子化為水矣

治蚯蚓咬

用濃鹽湯浸身數徧瘡浙西軍將張韶為此虫所咬

其形如大風眉鬚皆落每夕蚯蚓鳴用此方愈或以石灰水浸身亦効

治螻蛄咬

用斛葉燒灰細研以泔水浸斛葉取洗瘡拭之內少許灰於瘡中

治蛇虫蜈蚣咬

用家桑葉蒸後置鹽按傳瘡上葉未開枝可作煎酒服又治一切風家桑葉暖無毒利五臟通關節下氣

煎服除風痛出汗并撲損瘀血並治之

治桑蠍咬人

用丁香末蜜調塗之

治蜂蝎螫人方

用人參嚼封之

治入山草辟衆蛇傷蜈蚣蝎螫諸毒虫咬

用常燒羚羊角使煙出蛇則去矣一方用殺角

治蜘蛛咬虫蚕咬蠅虻弱瘡

用猪膏每擣汁傳之猪膏每似荏葉有毛

治蜈蚣咬蚯蚓咬其形如大風眉鬚落

用石灰醋和塗之

治惡虫咬 用酥和鹽傳之

治蛇虫傷惡瘡疥溪毒沙虱

用葫蘆搗貼熟醋浸之經年者良

治虫咬 用荏葉擣傳

治蚰蜒蜘蛛蟻子咬

用油麻研塗傳瘡瘡

治諸蛇虺蝎惡虫毒

用葑根葉搗汁服之

治虫咬人

用紫草塗之一方用紫草油塗之

治蚰蟥咬人方及中蜈蚣毒者 用鷄屎傳之

治蚯蚓咬痛 用鴨屎傳之人屎亦可搗又以葱白

傳之

治毒蛇並射工沙虱等傷眼黑口噤手脚強有毒攻腹
內成塊逡巡不救宜用此方

用蒼耳嫩葉一握研取汁溫酒和灌之將滓厚罨所傷處一方蒼耳傳之亦妙

治蛇咬蜘蛛毒

用鷄卵輕敲一小孔合咬處立瘥一方取白塗四畔瘡即愈

辟諸虫法

用薺花置席下辟虫

治諸虫毒

用嚼青蒿葉擦之

治壁鏡咬毒人必死方

用醋磨大黃塗之

治惡蛇傷紅腫者

用棟木根并皮切一升以水三升和煎取二升適寒
溫浸洗瘡冷即易再三瘥

治惡蛇傷紅腫爛者

用胡葱於塘火中煨令軟即出以紙隔手按令破以
搗瘡上以痛定為度李饒州多用神効

治諸蛇虺蝎惡虫毒

用令烟薰瘡口令烟入瘡中佳

治蛇虫咬及疥癬惡瘡

用天南星入藥炮為末用醋調傅之

治蛇虫傷

用葱根葉搗之內加鹽少許同搗傅

治蛇虺螫人

用射岡塗螫處頻易塗腫上血出即

愈

治蛇蝎蜈蚣等傷

用生鐵石上水磨汁塗之

治蚯蚓咬

用老茶研末調塗之立愈

治壁鏡咬人立死方

用檳榔不拘多少燒灰存性先以醋淋洗後以醋調貼之

治諸蛇犬咬皆可治

用黃花草為末傅傷處

治蜈蚣蝎方

用枯白礬不拘多少如傷左點左眼右點右眼

治蜘蛛咬

用木鱉子末醋調塗之

治惡虫咬

出聖惠方

用馬腸根生油磨塗之

治百虫所傷

出衛生家寶方

雄黃

一兩

白礬

飛過

硃砂

一分

麝香

一錢

露房蜂窠

一分燒
灰存性

土蜂窠

半兩
生研

烏梅肉

半兩
焙乾

右一處研極細先用針挑開瘡口用醋并藥少許擦之次用醋打麵糊攤紙花子蓋之病小一服病大日一換

治山源深遠處沙虱土虺蛇纏丹毒傷人累經神驗方

烏賊魚骨

胆礬

赤足全脚大蜈蚣

右三味等分細研為末如有患者速於元發端處以

針挑破用

辟蜈蚣辟虱蝎蚊虫使聞之不敢近

出衛生家寶方

雄黃

分五

砒

分五

栢子

青棟子

各一升

菖蒲

四兩

右為細末次入雄黃砒同研勻每用三錢以紙裹藥燈上點於房中薰

又治壁鏡毒人必死方

右溶化白礬乘熱滴傷處痛止毒出

杏黃膏

出百一選方

治蛇虫所傷皆可治

右以杏核七七箇每磨開一竅去仁研真雄黃末填其中次以蠟封之共置一瓦合內合口更須固濟窖於向北靜處簷下七七日取出要用則槌開一核以津液調雄黃傅咬處當不移時毒氣盡作黃水消去此藥重午日合

吳茱萸散

治蛇蝎螫人

右用乾薑嚼傅瘡上不過三四瘡又煮吳茱萸湯以漬瘡上瘡

治蛇虫咬傷

先用帛片縛住兩頭免毒氣行急用手按擦去毒氣
用草鴛糞同新水搗爛罨傷處四圍

又方

用黃泥調新冷水擦傷處見清水出乃止便用野決
明菜搗爛酒浸濾去滓服留滓罨傷處以帛片裹之
又方名纏蛇丹

凡為蛇傷蜂螫蜈蚣毒虫類犬所傷皆可用雄黃為

末水調塗兼用井花水及酒調喫甚効

治蛇毒蝎螫咬

出朱氏
集驗方

用醋磨雄黃塗之

治蛇虫所傷

羚羊北人多食南人食之免為蛇虫所傷和五味子
炒之投酒中經宿飲之又治筋骨急強中風

治蛇虫咬

出聖
惠方

用烏蘇莓五葉或生人家牆間搗傳瘡腫蛇虫咬處

治蛇虫咬

用茨菰葉研傳之一方用根搗爛傳

治諸虫蛇傷

用菩薩草搗絞飲汁及研傳之

治蛇咬瘡蜈蚣所傷

出聖惠方

用桑樹白皮汁傳之瘥

治蛇虫咬及蛇虺螫人

用菹豆葉搗爛傳之一方用白菹豆搗汁傳之

治蛇惡虫毒并疥癬癰腫瘰癧

用鹽水酒服之著瘡不爾磨傅之

治蚯蚓毒腹大夜聞蚯蚓鳴於身者

以鹽水浸之昔崇寧隴州兵士暑月在倅廳前跣立
為蚯蚓所中遂不救數日又有被其毒教以先飲鹽
湯一盃次以鹽湯浸足乃愈

治虫毒螫咬

用合子草搗傅瘡上

治蚕咬

取大蝦蟆脊背上白汁和蟻子灰塗之

治蛇虫傷犬咬

以穀樹汁傳之

治虫蛇犬等咬傷

以千里及搗傳咬處

治蛇虫蜘蛛蚕咬毒入內者

以榔桐葉搗封傷處又皮為末服之

治蜘蛛蛇蝎毒

以小薊搗絞取汁服之佳

治惡虫咬作瘡者

取陽烏鸛觜燒為末酒下服之

陽烏鸛亦名陽鵠出建州

治諸虫咬

用土檳榔細研油塗之

皆除間蟻
蜂也

治虫蚕蛇犬咬

用五毒草根醋磨傳瘡上亦搗莖葉傳之恐毒入腹

亦煮服之

治蛇蝎虫咬等毒

取千金鏹草搗傅瘡上生肌止痛

治蜂及蜈蚣螫人

取蜘蛛置肉上則能吸毒

治虫蚕蜘蛛等咬

用灰藿搗碎和油傅之

治蛇及蜘蛛咬

用鬼釵草杵碎傳之亦杵絞汁服之

治蛇犬咬等毒

以風涎母煮服之

治蚕及諸虫如蚕類咬人恐毒入腹

用蚕茵草煮服之生搗傳瘡亦効

治蛇惡虫毒疥癬癰腫瘰癧

用戎鹽水酒服之著瘡不爾磨傳

治惡虫蛇螫毒

用地菰按以傳之

治蛇虫咬

用蛇莓搗傳之

治虫咬

取百舌鳥巢及糞塗咬處亦用百舌鳥炙食之良

治虫毒

以人肝藤生研服

治雜虫咬

以蟾蜍糞傳之

治溪毒及遊虫

用溪狗燒末服一二錢匕

治虫蚕咬

以百部根火炙浸酒空腹飲之

治蛇蜂叮毒 用糟傳之

治惡虫咬人入腹及咬人生瘡者

取赤龍浴水服之

此澤間水泉赤蛇在中者經雨取之

治蝸牛虫所毒偏身者

以蓼子煮汁浸之立瘥

治虫刺螫人方

用好豉心以足為限但覺刺即熟嚼豉以傳之少頃
見豉中毛即瘥不見又嚼傳之晝夜勿絕見毛為度

治虫咬毒

用烏雌雞糞炒服之

治鼠咬人

以麝香封上用帛子繫之

治蛇虫沙虱瘡

用小蒜傳之

治蛇虺虫蚕狂犬等毒

以紫荊木煮汁服之

治狐尿刺人腫痛

用熱蠟着瘡中又燒烟薰之令汁出即便愈

治狐尿刺螫痛

用杏仁細研一兩沸承熱以浸螫處數易之

治蛇虫毒

以蒼鵝糞傅之及舍中養能辟蛇虫



普濟方卷三百六

欽定四庫全書

子部
普濟方卷三百七

詳校官太醫院醫士臣程泰

編修臣倉聖脈覆勘

總校官進士臣楊懋珩

校對官中書臣金光悌

謄錄監生臣黃廷璧

欽定四庫全書

普濟方卷三百七

明周王朱櫛撰

諸蟲獸傷門

蛇傷附論

夫蛇火蟲也熱氣炎極為毒至甚五方所出名稱不同
惟廣南尤多彼山崇地濕水火蒸鬱所生最盛蘄黃之
地蛇類稍衆南山有一山居水中當四五月之交群蛇
吐毒氣凡高數丈蒸若雲霧每至中夏瘴氣盛行亦緣

此也凡蛇數不可悉狀其毒極微不能殺人者惟花蛇
烏蛇故入藥品凡見蛇不言正名但云虫及地索之類
以避之或入山及履深草宜帶雄黃麝香避之蛇入人
家者燒羖羊角令烟遍覆即去矣○青蝻蛇正綠色喜
緣木及竹上與竹木色一種人卒不覺若人入山林中
行脫能落頭背上然自不甚嚙人嚙人必死那可屢肆
其毒此蛇無甚極大大者不過四五尺世人皆呼為青
條蛇其尾二三寸色異者名矯尾最烈○凡見蛇不應

言蛇皆言虫及云地索勿正言其名也惡蛇之類甚多而毒有差劇時四月五月中青蛙三角蒼虺白頭大蜴六月七月中竹猗艾蜺黑甲赤目黃口反釣白蛙三角此皆蛇毒之猛者中人不即治多死又有赤連黃額之類復有六七種方書不盡記其名水中黑色者名公螭山中一種亦相似不常聞螫人又有釣蛇尾如釣能倒牽人獸入水沒而食之又南方有响蛇人或傷之不死終身伺覓其主雖百人衆中亦直來取之唯遠出百里

乃可免爾又有蛇長七八尺如船蛇狀毒人必死即
削取施煮汁漬之便瘥凡大蛇多是神不可妄殺之又
額上有白色狀如王字者有靈或有角形者此是欲變
為龍也但蛇類雖多今皆以青條矯尾白頸艾蝮其毒
尤劇大者中人若不即治一日間舉體洪腫皮肉圻爛
中者尚可得二三日也青蝱中人立死虺毒急於衆蛇
不早療之多斷人手足凡被蛇螫第一禁第二藥無出
此二者有全劑雄黃麝香可預辦今凡俗知禁者甚少

尋按師術已至困斃惟宜勤事諸藥或經行草路何由
皆齋方書故山居者宜令知禁法也又惡蛇螫著人即
頭解散者此蛇名黑帝其瘡冷如凍凌此大毒惡不治
一日即死若頭不散此蛇名赤帝其毒小輕瘡上冷不
治故得七日死凡蛇傷瘡未愈禁熱食便發治之更當
依初被螫法也○蝮蛇者形不甚長頭匾口尖頭斑身
赤紋斑色亦有青色黑色者人犯之頭腹貼著地者是
也東間諸山甚多其毒最烈草中行不可不慎又有一

種狀如蝮而短有四腳能跳來嚙人亦名為千歲蝮中
此必死然其嚙人竟即跳上樹作聲云斫木斫木者但
營棺具判其不救若云博叔博叔者猶可急療吳音呼
藥云叔故也

方

大黃湯 治毒蛇傷

牛膝 大青草 下馬草 胡麻草 鐵刷草

將軍草 槐樹頭 淡竹葉 小青

各等分

右同搗汁用煮酒調服祖傳瘡口將針破傷處用葱鹽湯洗淨方可傳如無將軍草雄黃少許

白礬散

出聖惠方

治諸毒蛇傷解毒

白礬

煑汁枯研

殺羊角

燒反研各半兩

乾薑

炮一兩

射罔

一分

雄黃 麝香

研各一兩

右為細散用傅瘡上凡蛇畏雄黃疑有蛇處於舍下微火燒雄黃蛇並散

蛇咬丹

治毒蛇傷

野菊花

二錢

麝香

二錢

香白芷

各一錢

雄黃

二錢

右為末用好醋調擦

雄黃散

治諸毒蛇咬毒氣攻心迷悶

雄黃

研

麝香

研

乾薑

炮為末
各半兩

巴豆

一分去皮膜
心出盡油研

右和勻每服一字以新汲水調下纔中便服得利則

毒氣微消未利更一二服一方用丹砂

椒黃傳方

出十便
良方

治一切毒蛇咬迷悶

閉口椒

一兩
為末

蒼耳苗

五兩
為末

生薑汁

二合

硫黃

半兩
為末

右相和傳之

椒香方

出聖
惠方

治毒蛇咬毒氣攻心悶亂方

豉

四兩

椒

去月

薰陸香

各三兩

白礬

燒反
二兩

右以相和爛搗以唾調傳傷處

牛角散

治蛇螫竅出血凡蛇瘡未愈禁熟食犯此便

發治依初螫法

出聖
惠方

貓兒糞

三兩
燒灰

乾薑

一兩
剉

梔黃

一兩

牛角鯁

二兩

燒灰

右為散以津唾調傳於螫處

雄辛散

治惡蛇風犬所傷

詩曰

細辛草撥及雄黃

好酒研來入麝香

不問惡瘡并惡大

管教一服便安康

右等分為細末每服二錢好酒調下

半夏散

治蛇咬方

麝香 雄黃 半夏 巴豆

右等分為末傳之

麝香散

治蛇螫人竅出血凡蛇瘡未愈禁熱食犯

此便發治依初螫法

麝香

一分
細研

雄黃

一分
細研

半夏

一分
生用

右細研令勻傳之即愈

蒼耳散

治蛇螫人竅出血

白礬

二兩
研

大麻葉

五兩
剉

蒼耳莖葉

五兩
剉

右用水一斗煮至六升去滓下白礬末溫浸之

細辛散

治毒蛇所傷方

細辛

白芷

各五錢

雄黃

二錢

右細研令勻入麝香少許每服二錢溫酒調服諸般惡毒自散而安如宜方有白芨

治諸蛇毒方

用男子陰間毛二七枚含之有汁即咽却秘方也

中蛇毒勿渡水則痛甚於初螫

亦當先存想作大蜈蚣在前已隨後渡若乘船渡不諧
法殺人

輕粉散 治蛇傷

舊墨

一塊指大
燒存性

輕粉

一盞

亂髮

一拳大
燒存性

右為末好酒調服一過便愈相傳咬處

雄黃散 治蛇咬及惡瘡痛

雄黃 半夏

生

乾薑

生各
等分

右為細末貼蛇咬處及惡瘡上

石灰散

治蛇蟲蜂蠍蛇蜘蛛沙蟲等傷

蜈蚣草

梟黃

石灰

各等分

右搗為末傳螫處

桂香散

治諸蛇咬毒氣攻心

桂

去麋皮

枯薑根

各二兩

右為細末以小竹筒盛密塞帶行卒為毒蛇所傷即傳

之此藥療諸蛇毒塞不密則氣歇不中用

二蟲膏

治諸蛇咬毒氣攻心迷悶

地龍

五枚

蜈蚣

一枚端午日收赤足者

右以相和爛搗傳之

椒蒜傳方

治諸蛇咬痛腫

椒

合口

蒜

各等分

右用同搗令熟傳之瘥一方用蒜葉

硃砂散

治諸蛇咬痛腫

右以硃砂一兩細研為末以園內生蔓葱就上取却葱角尖傾入硃砂末却以角尖覆一七日掘出葱傾

硃砂汁於一張緊薄紙上陰乾每有傷處取錢孔大紙貼之立愈

青黛散 治蛇毒及一切蟲傷但有少氣可以下藥即活神効不可言

倉卒無藥去處以大藍汁一椀雄黃二錢調勻點在所傷處并細服其汁無藍澱花青黛代之亦可仍用艾灸咬處

椒葫方

治蝮蛇毒

右取合口椒蒟蒹苗等分搗傳之無不瘥

胡粉散

治蝮蛇毒

大蒜

胡粉

右搗和傳之

鹿角散

治蝮蛇毒

猪脂

鹿角灰

右以和塗之

大蒜方

治蛇螫人瘡已愈餘毒在內中淫淫痛癢

方

大蒜

小蒜

各一升

右合搗以熱湯淋汁灌瘡大良一方小蒜汁滓傳上

麥門冬散

本

治惡蛇咬傷頃仆不可療者及毒氣入

腹遍身腫痛

右用香白芷為末麥門冬去心濃煎湯調下頃刻咬處出黃水盡腫消皮合仍用此藥滓塗傷處如氣未絕無不活者若傷輕只用辣母藤按傳之更酒調雄

黃赤妙以新汲水調下半兩許毒氣自消一方用熱

酒調下諸方皆用麥門冬水蓋欲先護心氣也

昔臨川有

人以貨蛇藥為業一日方作場為虻所啣即時殞絕一臂大如股少頃偏身皮脈作黃黑色遂死有一道

人旁觀出言曰此人死矣我有一藥能療但恐毒氣甚深或不可治諸君能相與證明方敢為出力衆咸

踈踊勸之乃求錢二十文以往饒食頃奔而至命汲新水解囊中藥調灌之四體應手消縮良久復故其

人能起與未傷時無少異遍拜觀者且鄭重謝道人道人曰此藥不難得亦甚易辦吾不惜傳諸人乃香

白芷一物也法當以麥門冬湯調服適來事急不服姑以水代之吾今活一人可行矣拂袖而去郭郃州

活得其方嘗有郃陽一醫調一升以杖扶傷者口灌入藥盡覺臍中搏搏然黃水自口出一卒夜直更合

為蛇蝎腹明旦赤腫
欲裂以此飲之即愈

薑黃方

治諸蛇毒螫人欲死

右用乾薑雄黃等分同研用小絹袋盛繫臂上男左
女右蛇聞藥氣逆避人螫毒傳之

細辛散

治蛇咬

右用細辛雄黃等分為末津調傳亦可

雄黃餅子散

治蛇咬欲死方

右用雄黃不以多少蒿苳汁和作餅子候乾為末每

用少許貼瘡口立愈一方好酒調化服就用藥塗傷處

櫻桃散

治諸種蛇傷

右以櫻桃葉用生薑同搗碎入酒擣研服之良
滓傳傷處一方無薑服之

茜草散

治土蛇咬

先用蓼草搽於咬傷處後用茜草去根搗碎用井花
水調服日進三五服
滓傳傷處

蛇毒

先密取荇葉當其上穿勿令人見以再覆瘡口上一時着葉當上穿穿即折牙出也

又方

細辛

白芷

各一錢破

雄黃

一錢研

加虎骨麝香

雄靈散

治毒蛇所傷昏悶欲死者

五靈脂

一兩真者酒洗去砂石乾用

雄黃

半兩明好者研

右為細末每服二錢酒調灌之就以藥末調塗傷瘡

口良久再一服神效

昔有人被毒蛇傷良久已昏困有老僧以酒調藥二錢灌之遂

甦及以藥滓塗咬處良久復灌二錢即愈凡有中毒者用之無不驗也一方無雄黃

白芷散

治毒蛇咬

右用婦人扎髻繩扎定瘡處如無頭繩麻油繩亦可

須用雄黃香白芷末糝之用新汲水調末服之或熟

酒送下皆良一方無雄黃單用香白芷末摻服

又云諸方

皆用麥門冬水蓋欲先護心氣也

地龍散

治青蛇蛇螫

地龍

三條

鹽

半兩炒

右相和研令爛以麴圍毒處傳藥於上須臾化為水
不過三兩度

雄礬方

治蛇傷

詩曰

忽然被蛇咬

雄黃與白礬

一時研傳上

神效不等閒

治蛇蟲傷

巴豆數粒細研貼瘡

蓼汁飲

右搗生蓼絞汁飲之少少以滓傳瘡上又按藍青傳之

治諸蛇咬痛腫

用黑豆葉五兩細剉搗傳瘡上日四五度用一方唾塗咬處熟嚼豆葉傳之

蚩蟲散

治蛇螫人竅出血凡蛇瘡未愈禁熟食犯

此便發治依初螫法

用蝨蟲初食牛馬血者二七枚燒為灰以溫水調服之效

治蛇螫人竅出血

用黑豆五升礪碎分為二分於盆中以水浸過三寸深令浸螫處良久去舊豆著新豆復浸不過三兩易愈兼以豆為末以調服之妙

治蛇入口並入七孔中

用割母猪尾頭滴血着口中即出并着孔中得

治因熱逐涼睡有蛇入口中挽不出毒蛇所傷

用以刀破蛇尾入生椒三二粒裹着即出有人伐木
倦卧山中遭此得是法遂活此蛇有逆骨慎不可以
力拔之無椒但辛物亦可

鷄角散 治天蛇傷

用鷄子白刷瘡內候痒燒皂角為末糝之

治蛇傷毒

用繩縛住兩頭以五加皮葉搗爛敷貼

又方

用烏桕葉搗爛敷貼傷處及葉於口嚼取汁服愈

治毒蛇及一切蟲傷但有少氣可以下藥即活神効不

可言

用貝母為末調酒盡量飲之頃刻酒自傷處為水流

出水盡為度却以藥滓傅瘡上若所傷垂死但有少

氣服此即活一方以貝母末塞瘡口妙不可言

燕輜
光寓

婺州城外魁星館有人書
此方于壁間云此方神効

治一切蛇毒所傷方

用赤脚大蜈蚣

一條瓦上焙乾

雄黃

巴豆霜

各一錢

麝香

少許

右為細末以杏核數箇各磨成一竅去仁填藥在內
令滿却以蠟塞竅臨時蠟丸以針挑藥末塗傷處候
黃水出即瘡畢後塞其竅一枚可救數人

石中黃散 治蛇傷

槐花頭 五倍子 去蛙 石中黃粉

右各等分為末水調塗

治蛇傷

先用冷水洗後用茱萸二合水一椀研取汁服之將
滓傳瘡一方用酒調下油調傳

治因熱逐涼睡熟有蛇入口中挽不出方

用艾炙蛇尾即出若無火以刀周匝割蛇尾截令皮

斷乃將皮倒脫即出

小品同之七八月中諸蛇毒旺不得洩皆噉草木即枯死名為

蛇蟻此物傷人甚於蛇
蟻即依蛇之蟻法療之

治蛇入人口并七孔中者方

以患人手中指等截三歲大猪尾以器盛血傍蛇瀉
血口中拔出之

治卒為蛇繞不解方

用熱湯淋之無湯令人尿之

治蛇嚙方

用人尿厚塗之帛裹即消

治蛇毒方

用消蠟注瘡上不瘥更消注之

又方

用母猪耳中垢傳之牛耳中垢亦可用

治蝮蛇毒方

令婦人騎度三過又令坐上一方令婦人尿瘡上

又方

用生麻楮葉合擣以水絞去滓漬之

又方

用生薑傳之乾復易一方以射罔塗腫上血出即愈

又方

用鷄屎二七枚燒作灰投酒中服之一方用鷄糞白

燒灰酒調

又方

用麪團上令童男尿著中燒鐵令赤投中冷復燒著

之二三度瘥

又方

用擣紫莧取汁飲一升以滓封瘡上以少水灌之又
擣冬瓜根以傅之

又方

用梳中垢如指大長一寸尿和傅之

又方

用銅青傅瘡上

又方

用炙梳汗出熨之

治蛇傷方

用酒研水邊烏柏根喫即活

治蛇骨刺人毒痛方

用鐵精如大豆許內管中吹內瘡中良亦用鐵粉
又方 用燒死鼠為末傅之

治蛇傷

用續隨子半生半炒為末酒下三月九箇四月十二
箇五月十五箇三服隨月加減

治毒蛇尿草木著人似刺割便腫痛肉爛若手脚著之

指節墮脫方

用研砒霜和膠漬塗之

治蛇毒

用秦龜肉可生擣罾傳之

治蛇傷

用蚯蚓乾者熬末用之

主蛇中人

用刮蜈蚣尾以傳之便愈
枹朴子云蜈蚣龜噉蛇南人
皆帶蜈蚣龜尾以辟蛇也

治毒蛇咬方

用菰蔣草根灰取以封之其草似燕尾者是大効

治蛇咬瘡

用煖酒洗瘡一日三易

辟衆蛇方

雄黃 生薑 乾薑

各等分

右麝杵以絳囊盛男左女右臂繫之蛇則迸走若被蛇傷即用貼之立瘥又方以雄黃帶之入山林即不畏蛇

治蝮蛇瘡

用石龍藤絞取汁洗并服其汁亦去蛇毒心悶刀斧諸瘡封之即瘥

治蛇咬毒入腹者

用取兩刀於水中相磨飲其汁

治蛇虺螫人

用獨頭蒜酸草搗絞傳所傷處

治蛇咬瘡

用蒜去皮一升搗以小便一升煮三四沸通手即入漬損處從早至暮初被咬未腫速嚼蒜封之六七易

治毒蛇螫人

用搗地榆根絞取汁飲兼以漬瘡

治蛇咬

用薑汁生杵傳之毒即出矣

治一切惡蛇所咬命欲臨死方但一切惡蛇所傷先用繩索迎頭繫定不要令毒入臟腑即傷人性命也

雄黃

一兩
碎研

麝香

半兩

右採取龍腦薄荷自然濃汁一盞入雄黃麝香末在內先用藥汁洗咬處次用雞羽搨藥從癰腫處掃下入咬處瘡口中只管不住手掃令出盡惡色血所傷

之處即不壞爛也候黑血出盡仍用薄荷大藍滓裹
定一日一換之

治蛇咬毒入腹

用水萍搗絞汁飲妙

又方

用頭醋煮青竹筒合於螫處須臾黃水沫出即瘥

治蛇咬

用取胡瓜傳之數易良

又方

用五兒齒燒灰傳之

治蛇傷毒氣入腹悶絕不知人事

用北細辛為末或急用細嚼亦可酒調下以滓傳瘡
上尋四畔有紅線路用滓傳趕毒氣出須臾見瘡上
如火焰起乃毒氣出也

治蛇傷方

用蒲公英科根作泥貼蛇傷處白麴膏藥封之

白芷散

治蛇傷

用香白芷為末水調下頃刻咬傷處出黃水盡用末
水調塗傳瘡處如不暇研嚼細傳之亦可

治惡蛇所傷

用好醋浸鴨觜膽礬末少許塗傷處藥到即愈

又方

用野藍葉取汁滴傷處又以酒和汁相浸飲一杯妙

治蛇咬人

用苦蕒搗爛傳之

治毒蛇氣入腹

用麥門冬研細沸湯調下又以仙人掌研汁灌之

治白花蛇骨刺腫痛方亦治蛇咬

用生遠志搗碎酒煎服以滓罨之如無生者乾者亦得

治蛇咬

用辣母藤五葉者鹽嚼傳之以治蜈蚣螫如神

又方

出百一選方

用生龍腦傳之

治蛇傷蝮蛇螫方

出百一選方

急取蝦蟆爛搗蝨痛處極妙仍將絹片輕輕包定藥又以頭垢傳傷處妙一方蝦蟆肝塗之一方治蛇螫

人牙折入肉中痛不可堪塗之立出一方生蝦蟆一枚爛杵碎傳之

治蛇毒

出聖惠方

用黃荊葉袋盛縛瘡腫上一方爛搗帛裹傳腫處又方用閉口椒并葉搗傳之止

治毒蛇咬用杏仁去皮尖三箇定粉少許合貼傷上

治蛇咬

出十便良方

用取獨頭蒜刀切安在瘡口上艾燒七次去毒

治蝮螫人

出十便良方

急掘地作坎以埋所螫處堅築其上毒則出土中須臾痛緩乃出徐徐以藥療之

治蛇傷蝮螫

出肘後方

急取蜈蚣搗為泥罨在傷痛處極妙仍將絹片輕輕拴定藥又以頭垢傷處傳之一方燒蜈蚣末傳瘡上

治青蝮蛇螫

出千金方

用雄黃末傳瘡上沸汁出即愈亦用銅青傳瘡中

治蛇咬

用燒桑刀塗麝香少許和刀上以烙噉處令皮破即
瘥

又方

用生蚕蛾陰乾為末傳噉處孔中數易之其蛾有生

子者妙

治蛇螫

出聖
惠方

用狼牙草六月已前用葉已後用根生咬咀以搗葉

裹塘火炮令熱布裹熨冷即易之

又方

用醋草熟搗以傅螫處仍將膩幘頭裹之數易其醋草似初生短嫩苜蓿苗是

治蛇嚙人

用猪屎熬令焦末藍一把水三升煮取二升投屎攪和以洗之瘡

治蛇毒

出聖惠方

用獨狼牙搗臘月猪脂和以傅毒立瘥又楊炎南行
方云六月以前用葉以後用根生咬咀以槲葉裹之
燂火炮令熱用熨瘡上冷即止

治青蝥蛇 用破烏雞熱傅之

治蝮螫人

出肘後方

用嚼鹽唾瘡上訖灸三壯復嚼鹽

唾上

又方

出肘後方

用蠟及蜜等分於鐺中消令和以無節竹筒著瘡上

以蠟蜜灌竹筒令下入瘡中瘡無蜜唯蠟用之亦得

又方

出肘後方

用急尿瘡中乃拔刀向日閉氣三步以刀掘地作小坑以熱湯沃坎中取泥作三九如梧桐子服之取少泥塗瘡上

治虺蛇毒

用搗葵根傳之一方取葵汁服之

又方 用頭垢傳瘡中

又方 用搗葎草以傳之立愈

治衆蛇螫

用常思葉搗取汁飲一升以滓傅瘡上又以鬼目葉

傅之止其痛

又方

出肘後方

用搗鬼針草傅上

又方

出肘後方

治蛇螫人瘡已合而餘毒在內或淫淫痛痒

用搗大蒜塗之以少鹽豉合搗尤佳備急

治蛇虺螫人 搗蒜絞之飲其汁以滓傅瘡上

又方

用繩縛瘡上一寸許即毒氣不得走便令人以口啣
所螫處取毒數唾去之毒盡即不復痛口啣小痛無
苦狀

治蛇咬方

五月五日前七日即齋不得食飲酒肉五辛仍先向
桑下覓菟葵先知處記之至五月五日中時先以手
摸桑木陰一遍仍著上摸索之訖即以口嚙取菟葵
嚼使熟以唾塗手熟指令遍五月七日潔齋如後七

日內亦不得洗手後有蛇蝎螫者以手摩之即瘥止

治土蛙蛇諸蛇傷

用婆婆針或葉細搗井水和服萍傳甚者不過二三

服

治諸毒蛇

出千金方

用鹽四兩水一斗煮十沸沸定以湯浸冷易之

治蛇咬欲死方

出海上方

用蒼耳心爛嚼傳之立効

治蛇螫疼痛宜服此方

出聖惠方

用白礬一兩甘草一兩生用為散如蛇螫著之時心
頭熱躁眼前昏黑用新汲水服三錢即止如有些小
腫氣用白礬鹽漿水萬莖根煎三五沸淋之即除如
大段蛇螫著未及修事藥物用耳塞少許入在螫著
瘡口內以釀醋滴在瘡上即止

治蛇螫人瘡已合而餘毒在內或淫淫痛痒方

出聖惠方

用取甲煎塗之神驗蝎螫同用

治蛇咬蝎螫

出十便良方

用燒刀子頭令赤以白礬置上候成汁便熱滴於螫處立愈此極神驗得活者數十人貞元三十二年有兩僧流向鄧州俱為蛇嚙令用此法救之傳藥了便愈更無他苦

又方

出聖惠方

治蛇咬毒

用苦葫蘆根爛搗傳瘡口上立瘥

治遭惡蛇所螫

出聖惠方

用蛇皮貼於傷上灸之引去其毒氣即止一方煎洗

三兩度

治辟蛇法

出肘
後方

肘後姚氏仙人入山草法辟蛇之藥雖多唯以武都雄黃為上帶一塊秤重五兩於肘間則諸蛇毒物莫之敢犯他人中者便摩以療之帶五蜚黃丸良力丸有蜈蚣故也人入山伐木有大赤足蜈蚣置管中繫腰又有鼃龜噉蛇帶其尾亦好帶其喙彌佳禁法中亦有單行輕易者今疏其數條然皆須受而後行不

爾到山路口住立存五蛇一頭乃閉氣以物屈刺之
因左迴兩步思作蜈蚣數千以依身便行無所畏也
治蛇螫人瘡已合而餘毒在內淫淫痛痒方出聖惠方
用遠志嚼爛以傅之并內一片子於螫瘡孔中數數
易之

又方

出聖惠方

用鷄子打破頭作孔合著螫處逡巡鷄子黑又換以
可為度

立効散

出朱氏集驗方

治蛇傷垂死者

鐵蛟龍

一名水藕一名金蓮花取根二兩剉片焙乾

知母

貝母

各一兩

雄黃

半兩

天雄

一箇生用

紫荷車

三兩

大川烏

一箇

真北細辛

右細末用生地黃酒調服即愈如鼻口血來生酒地黃加雄黃丸下如傷風隨脉證用發散藥並服之見瘡口腫不消用針腫處候毒氣出即安如有孕婦人則除天雄少用川烏忌食葷物

蕭南仲方屢効

治蛇毒

取夾蛇龜肉搗置傳傷處亦刮蜈蚣尾以傳之其瘡
便愈小黑中心拆者無用不可食肉可生搗罌傳

治蛇咬瘡

以蓼蒿搗傳瘡上

預防蛇毒

以桂栝萋為末內着竹管密塞之帶行中毒即傳之
緩乃不救

治蛇毒

以蚤休根醋摩傳之

中虺蛇毒

取茺蔚莖汁傳之良

治蛇毒

以野猪齒燒作灰服

治蛇咬

以椶木葉搗細封之

治蛇虫咬

用生芋葉和鹽研細傳之

治蛇虫咬瘡

以感藤葉生研傳瘡上感藤一名甘藤又名甜藤生

江南山谷如鷄卵大斫藤斷吹氣出一頭甘汁甘美

如蜜

治蛇犬等毒

以青黛摩傳之

治蛇虺螫人

以射罔塗螫處頻易

治蛇咬

以槁木皮葉煮湯洗亦可作屑傳之

治蛇含草毒

以知時子急服解之

治人被蛇咬

以蜘蛛汁塗之

療一切蛇虫蚤咬

以預知子搗傳傷上

治蛇咬

用猪槽中水以浸瘡有效驗

治蛇咬方

取黑豆葉剉杵傳之日三易良抱朴內篇云相國張公文蔚莊在東都栢坡莊內有鼠狼穴養四子為蛇所吞鼠狼雄雌情切乃於穴外坩土恰容蛇頭俟其出穴果入所坩處出頭度其回轉不及當腰咬斷而劈蛇腹啣出四子尚有氣置於穴外啣豆葉嚼而傳之皆活

治蛇咬毒

以雄黃少許末傳之登時愈蛇雖多種唯蝮蛇及青
金蛇中人為至急不治一日即死人不曉治之方術
者為二蛇所中即以刀急割瘡肉投地其肉即如火
灸須臾盡焦而人得活也此蛇七月八月毒盛之時
不得嚙人其毒不泄乃以牙刺大竹木亦皆焦枯

治蛇咬

以射罔塗肉四畔漸近瘡習習逐病至骨瘡若有熟
膿及黃水出者塗之若無膿水有生血及新傷肉破

即不可塗立殺人

治蛇咬

用苦苣根葉研碎傅傷處

苦苣即蒿苣也

治蛇虫咬傷瘡痛

以烏斂莓根搗傅并飲其汁良

治蛇咬毒悶欲死

續隨子

七顆味辛溫有毒去皮

重臺

六分味苦微寒有毒出滁州葉似鬼

白者即是

右二味搗篩為末酒服方寸匕兼唾和少許傳咬處
立瘥

治蛇虫傷搗蒜貼之熟醋浸之經年者良

治蛇犬咬毒取黃蘗根研塗之一方研汁服亦得

治蛇毒用水蓼葉冷搗傳之若毒入內心悶絞汁服

治蛇犬咬以韭搗傳之

治蛇咬用荏子葉搗傳之

治蛇虎毒諸瘡

以菟葵搗汁飲之及塗瘡能解毒止痛

治蛇咬以蚯蚓尿并鹽研傳之

治蛇犬等咬以熱尿淋患處

治蛇咬大毒用海根以酒及水磨服傳之亦佳

療蝮蛇瘡用絡石絞取汁洗之服汁亦去蛇毒心悶

治蛇蝎所咬用鉛炙熨之

治蛇咬以馬蘭生搗汁服之

治蛇咬以苦杖葉搗傳處

治蛇毒用獨行根水摩為泥封之日三四立瘥

治蛇咬毒食茱萸子一兩為末冷水調分為三服立瘥
主蛇虺及虫等螫以蛇芮草取根葉搗傳咬處當下黃

水

主蛇咬以萬一藤杵篩以水和如泥傳上

治青蛙蛇毒

急灸瘡中三五壯則毒不行又用雄黃乾薑末射罔

和之傳瘡

治毒蛇所傷

五靈脂一兩雄黃半兩同為末以酒調藥二錢灌之
昔有人被毒蛇所傷良久之間人已昏困有老僧以
酒調藥二錢灌之遂甦即以藥滓塗咬處良久復灌
二錢其苦皆去問之乃此方耳

治蛇虫食飲中得之咽中如有物格不下吐不出心悶
煩亂可服馬兜鈴即出又服麝香一錢匕即吐虫毒
治諸毒所傷

用青黛雄黃等分同研為末新汲水調下二錢匕

治蛇犬虎狼毒惡虫等噬

右以鐵漿涼服之解毒不入腹內也

治蛇虺螫人

用茭草根燒灰封之

本草云茭草根也

治蛇虺虫螫

右以紫珠煮汁服之

治蛇虫咬及毒箭

用薺芫根

味甘寒

搗末以酒服之

治蛇傷

右用五靈脂為末酒調二錢服仍以少末搽瘡口妙

又方

右用雄黃為末以猪血調傳

治中蛇毒

以細辛雄黃等分為末內瘡口三四易之

蝎螫

附論

凡蠍螫人有雌雄之辨雄者痛止一處雌者流散無定
世傳禁祝之法雖衆然湯熨塗傳之劑亦不可廢也○
凡蠍五月六月毒最盛時云有八節九節者毒氣彌甚
螫人毒勢流行牽引四肢皆痛過一周時方始定也

方

吹鼻散

治蠍螫

藜蘆

去蘆頭

丁香

蜀葵花葉

猪牙皂夾

酥炙去皮

草撥

各半兩

右搗為末每用一字螫左邊吹右鼻螫右邊吹左鼻

中一方用麝香

蠍螫藥

治蠍螫

白礬

生

川烏

半夏

生

乾薑

生

丹

各等分

右為細末醋調塗螫處効

雄黃消毒膏

治蠍螫不可忍

雄黃

信

各半兩

巴豆

三錢

白礬

生一兩

右為細末黃蠟半兩鎔開入藥末銚內攪勻為定子

如棗大用時將定子簪於燈焰上炙開滴於螫着處其痛立止

雄黃蠟丸

治蠍螫不以男女疼痛不可忍者

煮酒蠟

半兩

木鱉子

三箇去殼

巴豆

二七枚去皮

雄黃末

錢一

右件除蠟外研勻化蠟為丸如彈子大用時以火炙磨痛處五月五日或四殺日合之忌見鷄犬婦人

草撥散

治蠍螫卒疼藥未及者

華撥 膩粉 麝人 木鱉子

各等分

右取五月五日午時面南擣為細末修合之時不可令婦人孝子見螫著右邊以少許點左眼螫著左邊點右眼

馬齒塗傳方 治蠍螫

馬齒莧

生切

大蒜

生切二味各半兩共細研

乾薑

一分不炮為末

右一處和勻塗螫處

止痛出毒散 治蠍螫

石榴花 艾葉心 蜀葵花 各等分

右搗為末水和塗之 五月五日午時取陰乾佳

虎骨散 治蠍螫卒痛

虎頭骨 炙 板藍子 草撥 各一分

右於五月五日午時搗為細末用燈心點藥少許於眼大背男左女右點之神効如卒暴用不必重五日合

硃砂散 治蠍螫方

右取齒中殘飯傳之又猪脂封之又射罔封之硃砂和水塗上愈

蜀葵花散

治蠍子咬

雄黃

二錢

李子人

一錢

蜀葵花葉

五月五日午時採葉半錢

右為末用針於蝨傷疼處撥用藥擦之

一上散

治蠍螫痛

半夏

一字生用為細末

雄黃

一字另研

巴豆

一箇去皮研如泥

右同和勻傳上

膩粉散

治蠱螫

膩粉

錢一

香墨

許少

華撥

許少

右擣為散每用半麥許點大背角男左女右其痛立止

五穀方

治蠱毒

右以五穀燒作灰熱塗之和松脂雄黃燒灰更良作法如甲煎為之

熨痛丸

治蠱螫

雄黃

研

礬石

熬令汁枯各半兩

右再同研消蠟和乘熱丸如彈子大以蠟紙收藏遇
螫將藥火上炙令熱熨痛處冷又炙熨數次此藥不
限年歲常收用之

礬夏散

治蠍螫痛不可忍

右用白礬半夏等分為末釀醋調貼痛止毒出

鈎丹塗傳方

出肘後方

治蠍螫疼痛不定

右用鈎丹半兩細研以醋調塗螫處

治蠍螫卒痛藥未及者水洗方

出千金方

右以新汲冷水若著手足以冷水漬之水微暖則易之著餘處者冷水浸故布搦之小暖則易

治蠍螫方

出千金方

凡蠍有雌雄雄者痛止在一處雌者痛牽諸處若是雄者用井底泥塗之溫則易雌者用當瓦屋溝下泥傳之若值無雨可用新汲水從屋上淋下取泥

治蠍毒及壁鏡毒人

出仁存方

右溶化白礬乘熱滴傷處痛止毒出

治蠍螫方

出千金方

用取生烏頭為末唾和傳之一方以頭醋調傳之一方嚼乾薑塗之

治蠍螫用研蜘蛛汁傳之瘡

治蠍螫人痛不止

出仁存方

用猫兒屎塗傷處日三復易

治蠍螫人取半夏用水研塗之立止

治蠍毒麻蕒葉搗傳之効

麻蕒今人績布者是也

治蠍螫人痛不止方用楮樹白汁塗之立瘡

治蠍螫

出朱氏集驗方

用礬石一兩醋半升煎之投礬末於醋中浸螫處并

底泥傳

治蠍螫

出肘後方

用醋摩附子傳之

治蠍螫

出聖惠方

用蜀葵花心陰乾為細末唾津調貼一方絞龍葵汁

塗之

治蠍螫

出海上名方

以地磨生薑塗之

又方

出海上方

用南星末醋調擦之

治蠍螫

出聖惠方

用猪脂擦之又以冷水浸之自効

治蠍螫人用畫地作十字取上土水服五分匕

又方用嚼茱萸以封之立愈

又方

出聖惠方

用深削桂心醋磨塗之立定

又方用按馬莧菜封之瘥

又方

出十良方

便用搗蒜塗之

療蠍螫人

用溫酒以漬之又搗豉作餅如錢大貼螫處以艾灸

七壯

療蠍螫人用苦李子仁嚼以封之即瘥

又方用按蛇啣取汁以傅之瘥

又方用木椀率取此螫處即以木椀合之便瘥

又方出肘後方用按鬼針草取汁傅之即瘥

治蠍毒螫人

右於五月五日取椿樹上膠捻作塊子以椿葉裹藏

淨器中螫時即取膠就火上微烘於患處熱按之
三次愈

又方

出聖惠方

用射蔞草搗封之溫酒漬之又射蔞汁塗之

治蠍螫不以男女疼痛不可忍者

出旅舍方

用葱白切一片厚二分許置所螫處以艾灸三壯

又方

出聖惠方

用溫醋漬所痛處數易之愈須預為溫下醋湯方不

爾離醋極痛

治蠍螫傷詩曰

曾聞蠍螫徹心田 休候鷄兒叫曉天

耳塞調來疼處抹 毒除痛定却安然

治蠍螫

出德生堂方

用酸醋先滴在疼痛處即以膽礬末擦之

又方

出德生堂方

用知母嚼爛吐疼處

又方

出德生堂方

患者自把口啞或他人啞之徐吐去毒不疼為度

治蠍螫

出德生堂方

即以前神仙奪命丹一丸磨水塗之立住疼三上無

不驗

奪命丹方見咽喉門喉痺煩

治蠍螫人用石榴花葉及皮爛搗炒令熟封疼上冷即

換之

又方

出聖惠方

用黑角梳掌熱炙熨之

又方

出聖惠方

五月五日取蝸牛殼黃色者三七枚為末要用時以

醋調塗之甚効

又方

四月八日五更時取蒼耳陰乾搗為末每用以醋調傳之

又方

用驢耳垢傳之

又方

用滴蠟燭熱脂於螫處三兩度易之

治蠍螫著手足方

用雄黃末少許醋調塗之

治蠍螫人

用人參嚼以傳痛處立瘥又黃丹塗之

瘥

又方

用溫湯浸之良

又方

用硃砂以水研塗之立愈

治蠍螫

急作小艾炷於螫處灸煖小便洗

烏白散

治蠍螫不可忍

烏魚骨

一兩

白礬

二錢

右同碾極細末每用不拘多少在左壁者左鼻孔內嚙之如在右者右鼻嚙之

治蠍螫

萬荳子入鹽同嚼貼痛處少時其痛便止

治蠍毒

以槐枝炮熨之

治桑蠍咬人

用丁香末蜜調塗之

治蠍螫人

嚼乾薑塗之

治蠍螫

以火槽頭橫井上立愈

治蠍咬

以烏頭末少許投醋調傳之

治蠍毒

以麻葉搗傳之良

治蠍角法

甄立言此蠍毒陰蛇即非蜂蜈蚣之輩

自有小小可忍者有經一日一夜不可忍者京師偏饒此蟲通用諸藥塗傅不能應有奇効

以意用竹依作小角留一節長三四寸孔徑四五分若指上可取細竹作之纔令搭得螫處指用大角角之氣漏不啣胡角不厭大大即啣急瘡速作四五枝鐫內熱煮取以角螫處冷即換初被螫先以針刺螫處出血然後角之熱畏傷肉以冷水暫浸角口二三

分以角之此神驗不可以口啣毒入腹殺人軌公云
灸即瘥以熱角啣之猶火灸也

普濟方卷三百七